

ACTA DA XUNTA DE GOBERNO LOCAL
Sesión do 2 de SETEMBRO de 2014

ASISTENTES:

Membros :

D. Abel Caballero Álvarez
D. Carlos López Font
D^a. Olga Alonso Suárez
D. José Manuel Fernández Pérez
D. Angel Rivas González
D. Santos Héctor Rodríguez Díaz

NON ASISTEN:

D^a M^a Carmen Silva Rego
D^a M^a Jesús Lago Rey
D. Cayetano Rodríguez Escudero
D^a. M^a Isaura Abelairas Rodríguez

Invitados:

D. David Regades Fernández

Na Casa do Concello de Vigo, ás catorce horas do día dous de setembro de dous mil catorce e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretario concelleiro, Sr. López Font, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a titular do órgano de apoio á Xunta de Goberno Local, Sra. Campos Acuña, e o interventor xeral, Sr. García Alvarez.

A Xunta de Goberno Local adopta os seguintes acordos:

1(962).- RATIFICACIÓN DA URXENCIA.

Ratifícase a urxencia da sesión.

2(963).- CLASIFICACIÓN DE OFERTAS PARA A CONTRATACIÓN DO SERVIZOS PARA A CONCESIÓN ADMINISTRATIVA DO APROVEITAMENTO PRIVATIVO DO INMOBLE SITO NA AVDA. DE SAMIL (ANTIGO JONATHAN). EXPTE. 19672/240.

Examinadas as actuacións do expediente e de conformidade coa proposta da Mesa de Contratación que tivo lugar o 2.09.14, a Xunta de Goberno local acorda:

PRIMEIRO.- Clasificar, de acordo cos criterios de adxudicación sinalados no aberto para a contratación dos servizos para a concesión administrativa do aproveitamento privativo do inmovible sito na avenida de Samil, antigo restaurante Jonathan (expediente 19672-240), no seguinte orde decrecente:

1. UROGALLO CAPITAL, S.L. 94,23 puntos
2. VIGO EVENTOS, S.L. 88,25 puntos.
3. U.T.E. JOSE LUIS GARCIA VELO-DERRUMB, S.L., 76,97 puntos.
4. U.T.E. PROMOCIONES 2004 VIVIENDA 10, S.L., HOSTELERIA SAMIL PLAYA, S.L., CONSULTING SERVICIOS BAYONA,S.L. e RALOTRANS, S.L., 56,26 puntos
5. VIGO PLAYA, S.L. 52,85 puntos.

SEGUNDO.- Requirir ao licitador clasificado en primeiro lugar, UROGALLO CAPITAL, S.L. , para que presente, no prazo de dez días hábiles, a contar desde o seguinte a aquel en que recibise o requirimento, a seguinte documentación (artigo 151.2 TRLCSP):

- *Declaración responsable de non estar incurso en prohibición de contratar.*
- *Certificacións de acharse ao corrente das súas obrigacións tributarias co Estado, Xunta de Galicia e coa Seguridade Social.*
- *Póliza do seguro de responsabilidade civil e accidentes.*
- *Póliza de seguro contra todo risco do edificio.*
- *Resgardo da garantía definitiva esixible de acordo co disposto na cláusula dezoito do prego de cláusulas administrativas particulares.*

TERCEIRO.- Requirir ao citado licitador o aboamento de 598,50 euros en concepto de custe dos anuncios de licitación.

3(964).- ADQUISICIÓN DE 1600 ENTRADAS PARA A GRADA DE FONDO DO ESTADIO MUNICIPAL DE BALAIÓDOS PARA PRESENCIAR OS PARTIDOS DO R.C. CELTA DE VIGO NA TEMPADA 2014-2015 NAS COMPETICIÓN S DE LIGA, COPA E PARTIDOS DE CARÁCTER AMIGABLE. EXPTE. 13337/333.

Examinadas as actuacións do expediente, visto o informe xurídico do 18.08.14, o informe de fiscalización do 2.09.14, e de acordo co informe-proposta do director deportivo do IMD, do 26.08.14, conformado polo concelleiro delegado de Deportes e pola concelleira delegada da Área de Economía e Facenda:

1º.- Aprobar a contratación polo procedemento negociado sen publicidade, consonte o disposto no artigo 170.d) TRLCSP, para o contrato da adquisición de 1.600 entradas por partido, cun mínimo de 20 partidos, para á Grada de Fondo do estadio de Balaídos, para presenciar os partidos que disputará o Real Club Celta de Vigo na tempada deportiva 2014-2015 da División de Honor de Fútbol; nas competicións de LIGA e COPA de fútbol, así como de outros partidos de carácter amistoso, ata a fin da presente tempada oficial 2014-2015, para fomentar os valores sociais do deporte, entre a poboación escolar, colectivos de discapacitados e persoas economicamente desfavorecidas, facilitando o seu acceso ao Estadio de Balaidos.

2º.- Aprobar o Prego de prescripción técnicas particulares, redactado polo Director Deportivo, con data de 29 de xullo de 2014.

3º.- Aprobar o Prego de cláusulas administrativas particulares, redactado pola Xefa do Servizo de Contratación con data de 7 de agosto de 2014.

4º.- Autorizar o gasto por importe máximo de base á negociación de 169.400 euros, dos que 29.400 corresponden ao IVE.

O gasto imputarase a aplicación orzamentaria 3410.227.99.02 "Convenios" e coa seguinte distribución anual:

- 2014: 67.760,00 €. (iva incluído).
- 2015: 101.640,00 €. (iva incluído).

O valor estimado do contrato, de conformidade co disposto no artigo 88 TRLCSP, é de 140.000 euros.

5º.- Abrir o procedemento licitatorio para selección do contratista na forma prevista na lexislación vixente.

6º.- Exceptuar de someter ao control da Mesa de Contratación o procedemento negociado sen publicidade por razón de ser un contrato privado non requirindo ademais a consulta a ningunha outra empresa por ser un operador único.

4(965).- PROPOSTA DE APROBACIÓN DO PROXECTO DE "REFORZO DA CAPA DE RODADURA NO FIRME DO CASCO URBANO I-2014". EXPTE. 71861/250.

Examinadas as actuacións do expediente, visto o informe de fiscalización do 29.08.14, dáse conta do informe-proposta do xefe do Servizo de Vías e Obras, do 23.08.14, conformado polo concelleiro da Área de Fomento, que di o seguinte:

ANTECEDENTES:

O enxeñeiro Juan Manuel Sánchez González, presenta o proxecto de "REFORZO DA CAPA DE RODADURA DO FIRME DO CASCO URBANO I-2014", redactado polo el, e dirixido polo ENXEÑEIRO MUNICIPAL, XEFE DO SERVIZO DE VÍAS E OBRAS, AGUSTÍN RODRÍGUEZ CARBALLO, cun orzamento base de licitación máis IVE de SETECENTOS NOVENTA E NOVE MIL DOUSCENTOS CINCUENTA E SETE EUROS CON SETENTA E NOVE CENTIMOS (799.257,79 €).

DESCRIPCIÓN DAS OBRAS:

O proxecto contempla a rehabilitación superficial e estrutural do firme nas estradas dos viais citados; para elo, fresarase a capa de pavimento do firme e repoñerase coa extensión dunha

mestura bituminosa en quente. Estruturalmente, en determinados tramos das vías de servizo laterais na Avenida de Madrid que acusan fatiga, substituirase o firme na súa totalidade.

A actuación rematarase adaptando todas as bocas de arquetas, sumidoiros e pozos de rexistro ás novas rasantes.

Con elo, pretendese mellorar os aspectos funcionais e de seguridade da circulación vial.

O prazo estimado para a execución das obras descritas é de DOUS MESES.

Polo que á vista do anteriormente exposto, e tendo en conta o informe do Xefe da Oficina de Supervisión de Proxectos asinado en data 12 de agosto, faise á Xunta de Goberno Local a seguinte:

PROPOSTA:

1.- Aprobar o proxecto redactado polo enxeñeiro Juan Manuel Sánchez González para "REFORZO DA CAPA DE RODADURA DO FIRME DO CASCO URBANO I-2014" por un importe de SETECENTOS NOVENTA E NOVE MIL DOUSCENTOS CINCUENTA E SETE EUROS CON SETENTA E NOVE CENTIMOS, 799.257,79 €, (IVE engadido) e un prazo de execución de dous meses.

Acordo

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás catorce horas e dez minutos. Como secretaria dou fé.

me.

O ALCALDE

A CONCELLEIRA-SECRETARIA
DA XUNTA DE GOBERNO LOCAL,

Abel Caballero Álvarez.

M^a Jesús Lago Rey.